

AUGLÝSING

um staðfestingu breytinga á áður staðfestu deiliskipulagi íbúðahverfis við Bergvík, Kjalarneshreppi.

Samkvæmt ósk hreppsnefndar Kjalarneshrepps hefur skipulagsstjórn ríkisins hinn 4. júní 1986, fallist á og staðfest, sbr. 3. mgr. 19. gr. skipulagslaga nr. 19/1964, breytingar á áður staðfestu deiliskipulagi íbúðahverfis við Bergvík frá 30. október 1975.

Breytingarnar eru þessar:

1. Gatnamót við Þjóðveg, Brautarholtsveg og tengibraut breytast.
2. Staðsetning og aðkoma að verslun breytist.
3. Ný bensinstöð er staðsett upp við Þjóðveg.
4. Íbúðalóðir upp við Brautarholtsveg. Breytast og verða fyrir léttan iðnað.
5. Lóðir fyrir þjónustuiðnað upp við Þjóðveg hverfa.
6. Raðhúsaloð breytist í parhúsaloðir.
7. Nýjar lóðir fyrir íbúðir og handverk eru staðsettar við Bergvík.

Félagsmálaráðuneytið, 12. júní 1986.

F. h. r.

Hallgrímur Dalberg.

Pórhildur Línadal.

AUGLÝSING

um erlend lán vegna útflutningsafurða.

Í samræmi við 19. gr. reglugerðar um gjaldeyris- og viðskiptamál nr. 519/1979 hefur viðskiptaráðuneytið í samráði við Seðlabanka Íslands sett eftirfarandi reglur um erlend lán vegna útflutningsafurða:

1. Sölusamtökum, einstökum framleiðendum eða útflytjendum er heimilt að taka lán erlendis til að fjármagna útflutning afurða eða útflutningsbirgðir og flýta þannig fyrir skilum á andvirði útflutnings.
2. Lánin mega ekki vera erlend endurlán héraðs innlánsstofnana né annarra héraðs innlánsstofnana eða með ábyrgð þeirra. Innlánsstofnunum er þó heimilt að kaupa af útflytjendum kröfur, sem orðið hafa til vegna útflutnings, eða lána út á slíkar kröfur, og afla erlends fjármagns í þessu skyni með sama hætti og áður hefur tíðkast. Þessi heimild sé þó eingöngu notuð, þegar útflytjendur, eða samtök þeirra, eru ekki með nein erlend lán í gangi vegna sama lánatilfæris.
3. Þegar erlent lán hefur verið tekið vegna seldra afurða eða birgða veita íslenskar innlánsstofnanir ekki afurða- eða rekstrarlán vegna sömu afurða eða lánatilfæris.
4. Áður tekin afurða- eða rekstrarlán í héraðs innlánsstofnunum skulu greiddast upp að fullu, þegar erlent lán er tekið vegna sömu afurða eða lánatilfæris. Líta ber á andvirði útflutningsláns sem gjaldeyris-skil skv. alm. reglum þar um sjá 7. lið með áhvílandi frádrætti og skyldugreiðslum, sem innlánsstofnun sér um að færa. Hafi framleiðandi eða útflytjandi skuldbundið sig til að greiða innlánsstofnun eða fjárfestingarlánasjóði hluta af útflutningsandvirði, skulu nýir samningar um þetta frágengnir, áður en útflutningslán

er tekið. Fullt samráð skal hafa við hérlenda innlánsstofnun um breytingar á áhvílandi lánum, áður en erlenda lánið er tekið.

5. Útflutningslán má aldrei vera hærri fjárhæð en sem nemur því útflutningsandvirði, sem lántakandi á útstandandi erlendis að viðbættu andvirði birgða af fullnumm útflutningsafurðum eða upphæð fjárparfar, sem orsakast af framleiðslu útflutningsafurða.
6. Þeir sem ætla að taka lán skv. þessum reglum skulu fyrirfram tilkynna það lánadeild Seðlabankans svo og þeirri innlánsstofnun sem hlutaðeigandi hefur verið í viðskiptum við með afurða- og rekstrarlán vegna útflutnings.
7. Andvirði útflutningslána skal flutt heim í gegnum hérlenda innlánsstofnun og skýringar gefnar fyrir hvaða útflutningssendingu eða útflutningsbirgðir lánið er tekið. Skýringar þessar skulu berast hlutaðeigandi innlánsstofnun svo og Seðlabanka Íslands. Útflutningslán ber að greiða, þegar skil berast á andvirði hlutaðeigandi afurða. Samhliða skal senda lánadeild Seðlabankans skilgrein um uppgjörið.

Viðskiptaráðuneytið, 18. júní 1986.

Matthías Bjarnason.

Þórhallur Ásgeirsson.

REGLUGERÐ

um breytingu á gjaldskrá og reglum fyrir símaþjónustu nr. 420/1985.

1. gr.

5. tl. IV. kafla orðist svo:

5. Farsímaþjónusta.

Í farsímaþjónustunni eru afgreidd sjálfvirk og handvirk símtöl til og frá bílastöðvum og handstöðvum.

Fyrir þessa þjónustu greiðist stofngjald, afnotagjald og viðskiptagjöld.

- 5.1. Stofngjald er kr. 3500,00 fyrir hverja stöð og greiðist við úthlutun bílasímanúmers.
- 5.2. Afnotagjald er kr. 530,00 á ársfjórðungi sem greiðist fyrirfram. Verði almenn hækkun afnotagjalds leyfð frá tilteknum degi, skulu þeir sem greitt höfðu fyrirfram, greiða hækkunina með síðari afnotagjaldareikningi.
- 5.3. Viðskiptagjald fyrir sjálfvirka þjónustu er mínútagjald. Gjaldið er kr. 6,00 fyrir hverja mínútu innanlands. Fyrir brot úr mínútu greiðist gjald sem er hlutfallslegt við gjald fyrir heila mínútu.
- 5.4. Viðskiptagjöld fyrir handvirka afgreiðslu eru afgreiðslugjald og mínútagjald. Afgreiðslugjald er kr. 3,90 fyrir hvert símtal og mínútagjald er kr. 7,80 fyrir hverja byrjaða mínútu innanlands.

2. gr.

Reglugerð þessi sem sett er samkvæmt 9. gr. laga um fjarskipti nr. 73/1984 staðfestist hér með til að öðlast gildi 1. júlí 1986 og birtist til eftirbreytni öllum þeim sem hlut eiga að máli.

Samgönguráðuneytið, 16. júní 1986.

Matthías Bjarnason.

Halldór S. Kristjánsson.